

Was i z'allerliebscht möcht ha !

a, a , (F-Dur) Duett

Schänkt mir ds'Läbe schöni
Stunde, dank i mängisch drüber
na, ob i ächt jitz das heig
g'funde, won i z'allerliebscht
möcht ha. Ob i ächt jitz das
heig g'funde, won i z'aller-
liebscht möcht ha.

Möchte dür d'Alperose

wandre, alben eis chli
schmöcke dra, doch zur Freud
vo vielne andre, all die Blueme-
pracht la stah. Doch zur Freud
vo vielne andre, all die Blueme-
pracht la stah.

Znächscht bim Brännli möcht

i ässe, liebi Fründe bi mer ha;
oh, de chönnt i ds'Leid vergäs-
se u vor Freud e Jutz la gah!
Oh. de chönnt i ds'Leid vergäs-
se u vor Freud e Jutz la gah!